

STJÓRNARTÍÐINDI B 57 – 2001

25. maí 2001

1109

Nr. 417

GJALDSKRÁ

vegna eftirlits með mannvirkjagerð og framkvæmdum
á vegum Náttúruverndar ríkisins.

1. gr.

Náttúruvernd ríkisins innheimtir gjald af framkvæmdaraðilum vegna kostnaðar stofnunarinnar fyrir sérstakt eftirlit með mannvirkjagerð og öðrum framkvæmdum, sbr. 2. mgr. 7. gr. laga nr. 44/1999 um náttúruvernd.

2. gr.

Gjaldið skal vera kr. 4.900 án virðisaukaskatts fyrir hverja unna klukkustund sérfræðings.

Um gjöld fyrir akstur og dagpeninga fer samkvæmt reglum ferðakostnaðarnefndar á hverjum tíma.

3. gr.

Heimilt er Náttúruvernd ríkisins að gera sérstakan samning við eftirlitsskylda aðila um greiðslu gjalda fyrir eftirlit óski hinn eftirlitsskyldi eftir því og samkomulag næst um upphæð gjaldsins. Þetta getur jafnt átt við um einstök verkefni, sem og árlegt gjald fyrir eftirlit.

4. gr.

Gjaldskrá þessi er sett skv. 3. mgr. 7. gr. laga nr. 44/1999 um náttúruvernd og öðlast þegar gildi. Jafnframt er felld úr gildi gjaldskrá nr. 801/2000 með sama heiti.

Umhverfissráðuneytinu, 25. maí 2001.

F. h. r.

Magnús Jóhannesson.

Sigríður Auður Arnardóttir.

31. maí 2001

Nr. 418

AUGLÝSING

um deiliskipulag hluta lóðar Laugaskóla, Reykdælahreppi.

Á fundi sveitarstjórnar Reykdælahrepps þann 7. mars var samþykkt deiliskipulag hluta lóðar Laugaskóla í Reykjadal. Skipulagssvæðið afmarkast í suðri af landamerkjum Litlulaugaskóla, Litlu-Lauga og Laugafells, í norðri af landamerkjum að Laugavöllum, í vestri af Reykjadalssá og í austri liggja skipulagsmörk í hlíðum Laxárdalsheiðar. Flatarmál skipulagsreits er 17,5 ha af 32 ha lóð Laugaskóla. Í skipulaginu er gert ráð fyrir þremur nýjum lóðum fyrir einbýlishús og jafnframt skilgreindur byggingarreitur fyrir sundlaug. Helsta breyting frá fyrri tillögum liggur í legu vega og göngustíga um svæðið.

Tillagan, uppdráttur og greinargerð, voru til sýnis á skrifstofu Reykdælahrepps í Kjarna, frá og með 16. mars til 17. apríl 2001. Engar athugasemdir bárust. Deiliskipulagið hefur verið yfirfarið af Skipulagsstofnun samkvæmt lögum nr. 73/1997.

Deiliskipulagið tekur þegar gildi.

Húsavík, 31. maí 2001.

Gaukur Hjartarson byggingarfulltrúi Þingeyinga.

SKIPULAGSSKRÁ

fyrir minningarsjóð Gunnars Jóns Guðmundssonar.

1. gr.

Sjóðurinn er sjálfseignarstofnun og heitir Minningarsjóður Gunnars Jóns Guðmundssonar.

2. gr.

Heimili og varnarþing sjóðsins er í Þorlákshöfn.

3. gr.

Stofneign sjóðsins er að fjárhæð kr. 540.000. Stofneign má ekki skerða.

4. gr.

Markmið sjóðsins er að efla forvarnar- og uppbyggingastarf barna og unglinga m.a. með skipulagningu minningamóta í íþróttum og styrkjum til efnilegra einstaklinga í námi og íþróttum. Starfssvæði sjóðsins skal vera Þorlákshöfn og nágrenni.

5. gr.

Stjórn sjóðsins skal vera skipuð 3 mönnum. Undirbúningsnefnd að stofnun sjóðsins skipar í stjórn sjóðsins við upphaf hans. Óski stjórnarmeðlimur eftir að ganga úr stjórn skal hann tilnefna eftirmann sinn til stjórnar.

6. gr.

Stjórn sjóðsins tekur allar ákvarðanir um rekstur sjóðsins og hvernig markmiðum hans sé best náð. Í því skyni skal stjórn sjóðsins setja sér sérstakar starfsreglur er kveða nánar á um verkaskiptingu stjórnarmanna og hvernig markmiðum sjóðsins verði best náð.

7. gr.

Rekstur sjóðsins skal vera fjármagnaður með frjálsum framlögum til sjóðsins, tekjum af minningarmótum og öðrum tekjuleiðum sem stjórn sjóðsins ákvarðar hverju sinni. Óheimilt er með öllu að selja eigur sjóðsins nema til þess að kosta rekstur hans. Sjóðurinn mun ekki fara út í útgáfu og sölu á minningarkortum.

Hagnaði af rekstri sjóðsins skal ráðstafa skv. 4. gr. skipulagsskrár þessarar.

8. gr.

Reikningsár sjóðsins skal vera frá 1. janúar til 31. desember.

Endurskoðendur sjóðsins eru Deloitte & Touche hf., Stórhöfða 23, Reykjavík. Reikningar sjóðsins skulu eigi síðar en 30. júní ár hvert sendir ríkisendurskoðun, í samræmi við ákvæði 3. gr. laga nr. 19/1988, um sjóði og stofnanir sem starfa samkvæmt staðfestri skipulagsskrá.